


寧鄉縣志



者舉東漢之揚州牧若歐陽歙張禹
等皆載入志內非也往古名賢不生
其地者不必援以自重若荀卿為蘭
陵令在漢東海郡今沂州府楊誠
齋以為在延陵非也諸葛武侯躬耕
於南陽王襄陽城西二十里名曰隆
載入南陽郡非也寧邑

二

為大霧諸山以鎮其境有
為江靳江諸水以通其氣而由宋暨
明以逮於

國

朝其縉紳先生之仕宦於京師及出
治於封疆者代不乏人况如唐之裴
丞相宋之張南軒又皆愛其風土
人情而流寓於茲地據實而誌之

其功名事業文采風流洵足媿古人而
傳後茲矣今逢省會有續脩通志之
舉寧邑士君子爭以續脩縣志為請
予取王九溪先生所脩舊志而觀之
志之不脩也已六十餘載矣儻不重
加纂脩恐一切事實文獻及忠孝節

幽光將有湮沒而不可考

三

者因急延請袁峴岡先生主其事復
延周采亭劉醇夫胡玉潭三先生佐
之英因與諸君子約脩志無他奇勿
濫收勿溢美務使言皆實錄事無遺
漏斯得矣一時核對者有人採訪
者有人募捐者有人即於本年三
月擇期開館十月杪志將脫稿鳩

登錄号 172493
函 8 册

工刊木因舉其原委而綴數言於右
以誌盛舉云

皆維

嘉慶二十有一年冬至後三日

賜進士出身知寧鄉縣事之果王餘英

鞠潭氏撰



片

四

凡例



一寧鄉縣志始於前明正德四年創其稿者邑宰劉絢及邑紳袁經也厥後繼修於明者二重修於國朝者四自乾隆戊辰至今凡六十八年矣一切典章制度之沿革人物功名之興替恐年久就湮無所稽考爰因邑紳士之請開局纂修諸君子延家君總理其事家君年過七旬精力就衰詎敢當此重任而又重違諸君子之請英應於公暇隨家君屬稿與邑人士參定商酌期不濫不遺一以體家君之心一以盡邑宰之職云爾

寧鄉縣志

卷之一

凡例

一舊志遵湖廣通志長沙郡志程式恭載

皇言於卷首竊惟我

國朝

列聖訓誥其廣大精微上齊典謨播諸四海傳之萬年所當遵法而無斁者也於一縣志內彙爲一編似非體例謹將原刻板片藏之尊經閣內以昭尊奉不得混入志乘之內致滋褻瀆

一採訪宜廣宜實但取於近而不能搜之於遠但取於顯而不能索之於隱則不廣矣實較廣更難夫採訪諸君子皆一邑之人公舉慎擇陳米魏金

豈敢擬議但恐暱於戚族私於朋好褒獎之下或至過情此卽謂之不實矣今與諸君子矢志相約共存不避親不避仇之心相與從事庶使深山窮谷茅簷蔀屋之下無屈寃之幽魂爲宰者不蹈公而不明之憾則有厚幸焉

一志乘門內每嫌瑣碎舊志分二十六門未免過繁今酌定併爲八門小者自爲一卷大者或分上下二卷或分上中下三卷史漢舊例也第一天文志星野爲主災祥附之第二地理志沿革建置城池疆域山川水利古蹟邱墓統於其中而寺廟橋

寧鄉縣志

卷之一

凡例

二

梁附之第三賦役志賦役爲主食貨附之第四學校志選舉典禮附之第五風俗志政績附之第六職官志名宦兵防附之第七人物志鄉賢忠孝節義統於其中列女流寓方外人瑞附之第八藝文志分此八門大綱已舉細目咸備庶體不至於散碎文不至於重複矣

一人物一門其名宦鄉賢忠孝節義業經題請分祀

聖廟者固當作傳以存其人如有忠孝大節前人未及採訪而其子孫能舉其事蹟或隣里共知鑿鑿可

據者亦當急爲表彰無使湮沒不傳他如學問人品足爲一縣矜式者亦按時代先後次第附記無行可傳者不敢濫登其人現存者不得附入其仕宦非因公過而望吏議及紳士之已革衣頂好詞訟者雖其家具呈申請概不列傳蓋志與史微異史例則善善惡惡二者並重志例則專主善善然不得以善善欲長遂弗嚴辨而濫褒也

一節孝之婦自乾隆十三年以後已請

旌表者固當續增若孤苦貧窮嗣絕身亡未及請

旌尤當急載於冊使之不朽或其人現存年例未符而

寧鄉縣志

卷之一

凡例

三

志操堅白昭昭共信自夫死十五年以後者另附
發婦某門某氏夫死若干年字樣以堅其志卽爲
將來按年覈實詳報張本

一合邑紳士其先世祖考有能闡發經義著書立
說及通今博古詩文成集者務必悉送入局以資
採擇苟有關於一邑之山川人物風俗習尚者酌
選入志若無專集或其人現存及吟風弄月之章
摘藻揚華之筆無關志書緊要概不敢登至各姓
宗祠記言譜牒序文皆係一家之私不必收入邑
乘

一舊志者新志之楷模也當年秉筆皆博學碩儒
豈後人所敢點竄但志之修也務期言簡事該若
第增益而無刪削我

國家繼繼承承于萬斯年卽一縣之志不幾汗牛充
棟乎今茲續修務去私見各存公心舊志之宜刪
者刪之宜補者補之宜訂正者訂正之不必存笑
過前人之見亦不可有阿附前人之意苟存其論
說必著明姓名更不可掠前人之美而炫一己之
長也

之采王餘英菊潭氏

前代修志姓氏

明

正德己巳歲

主修知縣劉絢

纂修邑紳袁經

嘉靖壬子歲

主修知縣周孔徒

纂修邑紳周策

萬歷壬寅歲

主修知縣張棟沈震龍

寧鄉縣志

卷之一

舊志姓氏

纂修邑紳陶顯功梅燦然

全修胡秉忠吳爵楊名許廷策崔廷用周耀冕

胡宗臣楊廷選楊文華吳道行

國朝修志姓氏

順治戊戌歲

主修知縣蔣應泰權持世

纂修邑紳陶汝鼐

全修王維漢楊濬英陶之典袁大猷吳嘉驥黃

子雋胡衷愉王長昱周和溥易贊陶之采周敬

溥陶圻陶煥鄧林琦

康熙壬戌歲

主修知縣王錢昌

全纂邑紳胡衷愉吳嘉驥陶之典廖方達陶之采周和溥周敬溥

全校彭之壽秦士偉曹封廖方達胡衷昱陶淑胡期孝王長昌胡衷煥楊洪禮湯師伯吳映星廖喬年陶焯周拔樞周挹樞喻俊英

乾隆戊辰歲

主修知縣李杰超郭定

纂修邑紳王文清

寧鄉縣志

卷之一

舊志姓氏

二

叅校余愷王文沅黎希文喻從望王樂鐘童正宗胡天澤陶文鏊王萬言黎祚郢

舊序 正德四年

知縣 劉 絢

天地間古今事蹟非志莫傳而志之作其體不一有所統大而誌法反畧者有所統小而誌法加詳者如皇明一統誌兼總乎萬國事貴得要故宜畧郡邑之誌止於一方事可散書故宜詳法宜畧而不畧則天下之大史冊不勝其書法宜詳而不詳則一方之事未免挂一而漏萬故作志非難而立法爲難立法非難而得人爲難得其人與法斯善其志矣寧邑爲縣屬長沙郡居郡治之西楓去百里許東連熊湘之東華山西抵安化之司徒嶺南挹天馬嵇岓之勝北據

寧鄉縣志

卷之一

劉舊序

一

橫龍青華之雄東南則湘鄉湘潭地與之參東北則善化湘陰江爲之界其縣治廣二百有五里袤視廣四之一方七倍於袤其縣屬爲坊二爲鄉五都隸鄉十有七其山水則逶迤包絡風氣凝聚人才物產之盛無代無之實湖南之名邑也其道途則四通八達官貴使人來往絡繹歲無寧日實南北衝要之區也宏治乙丑冬予拜命來宰是邑視篆之暇取舊志閱之間多紛舛闕畧山川如玉几靈峰化龍溪人物如前進士羅仲孺蔣彥明輩縣治之制如惠民藥局演武塲桑棗園學校之制如頻池射圃悉皆闕載大者

如胡五峯反謂其師事南軒小者如玉潭乃謂其因元宗幸蜀陸鐙得名之類亦頗謬妄至若國朝登進士第者始於今憲僉袁君大倫旌表孝子若今致仕同知劉君本正雖事在舊誌後脫不續書將何以爲表彰人物作興士類激勵風化之地哉亟欲采輯編正之而久難其人正德三年夏五月予應朝還適憲僉公丁內艱家居予稔聞公操存不苟材識通敏敷歷中外三十年餘而聞見博洽且生長茲土凡先民嘉言善行人物之名勝皆親得諸傳聞目覩者也乃禮聘以其事託之公辭至再而予之請益力乃允遂

取舊誌重加編摩博參羣書蒐及先哲行狀墓誌與夫士庶家所藏譜牒圖契會衆說撫遺事繁者芟之簡者益之遺漏者採錄而補續之訛舛者考據而釐正之其所紀雖仍故迹而分類著例則斷自己意且皆有綱有目有經與緯鉅細畢備纖悉無遺所謂法宜詳而因致其詳深得志家之體者矣凡爲目二十有六總爲八卷公於各目又自爲引道其所以當誌之意閱八月而書成予取而讀之環百里之內上下數千年間若沿革若疆域若風俗若山川物產若戶口貢賦若人才宦跡之類不必出戶庭稽史籍一展

卷而可悉然則昔爲闕典今爲全書尙何文獻不足之歎耶抑是書之成豈直快士大夫一時之覽而已將使後之人生於斯長於斯游宦於斯得而觀之凡其所以修己治人居官善俗一惟前聞人若張魏公之事業若五峯南軒之道學若易禮部劉學士之文章詞翰皆得以景仰而師範之行見禮讓之俗循良之政道學之傳俱由是而益振其爲功豈淺淺哉予嘉是書有益於後之人也將命工鏤棗以傳庠生胡秉忠輩詣予請曰縣志寥落已久幸執事注意重修真足爲吾鄉千百載文獻之徵願丐一言序於前庶

寧鄉縣志

卷之一

劉舊序

三

將來續者得有所考予應之曰可乃摭摭事之顛末僭序於篇端

舊序

嘉靖二十一年

知縣 周孔徒

從古海內非志不傳然志必重修酌因革增缺典也寧鄉志舊有作相沿迄今缺而未入者多且久矣矧忠信尙有望於十室文獻豈不徵於百里是以古今相稽制邑在目重修之筆烏容靳孔徒嘉靖庚戌夏承令是邑嘗取舊制讀之信以傳信者固多參之公議間或有訛是故春秋所以有正例之議訛以傳訛者不少覈之鄉評未必不信是故春秋所以有變例

之裁余嘗慕嵇山周君良史才也欲求重修第政事
勤勤而信者未覈實訛者未訂證廢缺者未修舉作
令之咎將安道若因循弗修是缺典也我負於山川
人物乎山川人物負於我乎因請周君爲我重修之
夷考古今作志有綱有目故邑志詳於省志省志詳
於一統志是志也紀形勝而必紀戍卒蓋宗春秋之
書城戍虎牢紀漘而必紀庶政蓋宗春秋之書隕霜
殺菽紀學校而必紀崇祀蓋宗春秋之書世室屋壞
紀雜紀而必紀三害蓋宗春秋之書誅亂討賊夫得
虎牢之書法則武備當修焉得隕霜之書法則刑罰

當清焉得世室之書法則斯文當原焉得誅討之書
法則淑慝當辨焉是故是志也者豈徒江山寫態花
鳥傳神而已哉信乎美而愛愛而傳百世不刊之信
史也是志成於嘉靖壬子之夏序於是夏之季

舊序

萬歷三十一年

陶顯功

孔子曰吾志在春秋顯功春秋八十有三荒於志已
縣志殘缺失次參補就序沈大父屬前序吾志弗前
父命也謹按寧鄉漢唐宋元故無志宋易山齋有周
易周禮總義禹貢疆理諸書行於世而於此志缺如
也入我國朝百餘年正德改元大令安成劉公作初

中丞袁犀潭公作稿與評與序鄉賢郡丞劉作後序而志乃整如嘉靖辛巳霍邱胡侯以名進士來其子弟從先君桂平公授春秋其子弟陝州楊公作稿稿集思於賓筆削於兩河主人亡論繕寫剞劂之工卽書法有遷固法志善矣迨辛亥來內江周侯會馮陽周公牧全蜀親被其志所欲行侯良牧師厥翁稽山先生親炙其志所欲明作者詳於更新而舊章靡易述者果於守故而精義罕明於氏族氏表致詳其或以爲私家書也非志也詎知儒者片言隙見有裨於史則不至於涓滴之遺世家言語文章悉載之史自

可施之行事之實其或以爲非志也隘也隆慶辛未來無錫陳侯文名震世屬纂湖藩通志深悼吾猶闕文因論膚施志收楊太史家譜世系及歷世名臣行樂圖以實人物一展閱文光燭天射洪志收陳拾遺楊忠節家譜及誥敕傳記詒贈慶弔墓銘詩文以實藝文一展誦金聲擲地若作者非聖述者非明託空言以規模時人甚於檮杌遂擱筆弗志無惑乎殘缺失次而亟亟乎參補之大父論世尙友有志於思兼三侯而集大成者茲其考成矣惟自考官守無忒惟戶口無漏惟轉輸無愆惟賓旅無忘惟烽燧無警

惟土宇民物無恙吾志足矣所不足者文獻乎文典
籍也藝文志如斯而已者也獻賢人也人物志如斯
而已者也吾無改於其初也吾與有責焉岩堯百里
疊岫萬重磔硤一方爭妍十景蒼然霧者獅顧嵐光
熒然露者樓臺曉色濯然温者湯泉沸玉皎然霽者
夜月靈峯呬唔石柱書聲嘹唳香山鐘韻氣奪大瀉
凌雲彩分玉潭橫秀鬱爲士龍炳爲人鳳而先達易
李袁周豈不煌煌鐘鼎奕奕柱石而徒以文獻少也
士生於斯攀鱗附翼題駟鳴商固熟此掀揭之業何
多讓爲矧沈侯新儒學育菁莪博之以會友約之以

會文拳拳乎文獻矣而又瑤東閣旋北斗翼南軒浮
西榭開桂嶺築楊堤麗三台妍八景運心上經綸清
源頭活水豈不亦騰蛟起鳳掀揭鼎柱罩易李籠袁
周而徒參補爲也與哉以其可驗者驗之於前以其
可信者信之於後賢人典籍自此常常而見源源而
來以永永無斁已蓋天地奇瑰之氣不鍾於物則鍾
於人國家明良之運不作於前則作於後文獻有人
足光社稷宰文獻有人足光旂常氣運然也士先志
撫運而興吐氣奮志道德文章勳業一以貫之而其
志遠矣然文章勳業易李袁周自是法程惟道德性

命畧見外編倘足及南軒門知言胡子升孔子堂知
春秋爲性命之書則知志矣顧名長子爲作足大父
實有以藉手而其究爲蕃鮮也余何幸藉手大父爲
健竝得無惡於志云

舊序 順治十五年

知縣 蔣應泰

杜氏曰湘川之奧人豐土闢吾寧鄉居三湘之間且
代有文獻蓋昔稱善地矣廿載以來兵深燹接士強
半化爲鶴民強半化爲燐城市廬舍強半變爲蔓草
所謂人豐土闢者及予承乏百不一覩焉竊欲規摹
古昔上佐同文而邑志闕佚亦不足觀覽蓋墜而弗

寧鄉縣志

卷之一

蔣舊序

七

修者五十餘年邑先輩凋謝獨名宿密菴陶先生典
型尙在每諮掌故較若列眉予喜語人曰寧雖荒今
且得昭華之琯矣昭華之琯吹之則山川車馬城郭
人民之形隱躍如見頃聞陶先生言何以異是廼謀
修邑志束帛載拜屬以邑乘先生讓再三予請亦再
三數月檄求逸事不得公乃獨執筆取前二志合刪
多所釐正博采壬寅以後事續之書法體例竝追古
史離爲十卷粲然井然而於山川名勝系以考注田
賦徭役洞悉本原宦澤先賢忠孝節義之大尤急表
章補傳十數則擷芳闡幽不遺微賤而持論嚴正里